

**2017ko AZAROAREN 9ko OSOKO**  
**BILKURA ARRUNTAREN LABURPENA**

**1.- Aurreko bilkurako akta irakurri eta onestea.**

2017/10/05eko akta onetsi da.

**2.- Hasiera batez onestea abeltzaintzako mindan oinarriturik agindarra ekoizteko Iraizozko (Ultzama) 12. Poligonoko 159. Lurzatiko A azpilurzatian kokaturiko plantaren eta Iraizotz, Gorrontz.Olano, Suaber, Auza eta Orokietako kontzejuetan dauden minda digerituak bilfegiratzeko lau hobiren administrazio kontzesioaren kontratuarekin loturiko aktiboen balorazio eta geroko Bioenergia Ultzama SA enpresaren aldeko likidazioa.**

Alkateak gaia azaldu du eta espedientean agertzen diren dokumentuen edukia laburtu du.

Agrupacion Ultzama Udal taldeko Perez Arregui zinegotziak hartu du hitza eta eguneko gai zerrendako puntu honi dagokionez bere taldearen aurkako botoa adierazi du, honen inguruko hiru arrazoi argudiatuz:

1.- Txostenaren bigarren puntuan, inbertsioaren balore erreala jakiteko zailtasunak egon direla esaten da zehazki, eta bere ustez hori ezin da horrela izan, espedientean, hartzekodun-lehiaketako epailearen prozedurarako konkurtso administrazioak aurkeztutako inbentarioa baitago, eta hau aipaturiko prozeduran Iruñeko bat zenbakidun merkataritza auzitegiak onartu zuen.

2.- Inbertsioa osatzen duten elementu ezberdinei amortizazioa aplikatzeko orduan ematen zaien ezberdintasun handiagatik. Halaber, ez dago koherentziarik Plantaren aktiboari eta jasotako diru-laguntzari amortizazio hauek aplikatzerakoan.

3.- Halaber aplikatutako amortizazio taula propioak onartutako itopuntuak gainditzen dituzte bai kontabilitate arauaren ikuspuntutik eta baita araudi fiskalaren ikuspuntutik.

Martinez Urionabarrenechea Alkateak ez du erantzunik eman iritzi hauen inguruan.

Udalbatzako kideen artean adostasunik lortu ez dutenez bozketa egin da.

Aldeko botoak: Martinez Urionabarrenechea, Etxeberria, Doray, Picabea eta Aranguren.

Aurkako botoak: Erviti, Herranz, Oyarzun eta Perez Arregui. Botoaren zentzua justifikatu dute lehen aipatutako arrazoiengatik.

Aurrekoa ikusirik Udalbatzak puntu hau onartu du.

LEHENA.- Hasiera batez onestea abeltzaintzako mindan oinarriturik agindarra ekoizteko Iraizozko (Ultzama) 12. Poligonoko 159. Lurzatiko A azpilurzatian kokaturiko plantaren eta Iraizotz, Gorrontz.Olano, Suaber, Auza eta Orokietako

kontzejuetan dauden minda digerituak biltegitratzeko lau hobiren administrazio kontzesioaren kontratuarekin loturiko aktiboaren balorazio eta geroko Bioenergia Ultzama SA enpresaren aldeko likidazioa.

### **3.- Hasiera batez onestea 2018. Urteko ekitaldirako Plantilla Organikoa.**

Alkateak gaia azaldu du.

Idazkariak aurtengo plantillan aurreko urtekoarekin alderatuta egon diren aldaketak azaldu ditu: Etxeberria administrari laguntzailearen kasuan kontuan hartu da lanpostu osagarriaren %10eko igoera eskaera, aipaturiko postuan dagoen beste pertsonak egiten dituen funtzio berak egiten dituela argudiatuz eta hori dela eta bien ordainsaria berdina izan behar zela. Halaber, kontuan hartu da zerbitzu anitzetako Borrego udal langilearen erreklamazioa, "Larraitzarko Ikastetxea" ikastetxe publikoan atezaintza funtzioak egiten dituen, arriskugarritasun osagarriari dagokionez eta %10ekoa baita ere, elementu mekanikoekin eta arrisku bat izan daitezkeen instalazioekin lan egiten duela argudiatuz berak baita ere, udaleko zerbitzu anitzetako beste bi langileak bezala, hauek jada onartua dutelarik.

Agrupacion Ultzama Udal taldeko Perez Arregui zinegotziak hartu du hitza eta eguneko gai zerrendako puntu honi dagokionez bere taldearen aurkako botoa adierazi du, honen inguruko bi arrazoi argudiatuz:

1.- Plantillaren onespeneraren orduan azken bi urteetan zehar adierazi duten moduan ez daude ados udal lanpostuetarako derrigorrezko euskararen ezagutzaren nahitaezko eskaerarekin, beraz gehiegizkoa dela pentsatzen dute eta ez litzateke derrigorrezkoa bezala plantetu behar.

2.- Komunikazio eta informazio lanetarako teknikari baten kontratazioarekin ere ez daude ados aipaturiko lanpostua baztergarria baita.

Martinez Urionabarrenechea Alkateak ez du erantzunik eman iritzi hauen inguruan.

Udalbatzako kideen artean adostasunik lortu ez dutenez bozketa egin da.

Aldeko botoak: Martinez Urionabarrenechea, Etxeberria, Doray, Picabea eta Aranguren.

Aurkako botoak: Erviti, Herranz, Oyarzun eta Perez Arregui. Botoaren zentzua justifikatu dute lehen aipaturiko arrazoiengatik.

Aurreko ikusirik Udalbatzak puntu hau onartu du.

LEHENA.- 2018. Urteko ekitaldirako Plantilla Organikoa hasiera batez onestea. Eranskinak akta osoan.

**4.- "2017-2019 aldirako Toki Inbertsioen Plana. Ultzamako adarraren loturarako kanalizazio proiektua" proiektu teknikoa onestea, CIMA Ingenieros estudioak egin eta Ultzamako Udalak eta NASERTIC empresa publikoak lankidetzan sustatua.**

Alkateak gaia azaldu du eta espedientearen agertzen diren dokumentuen edukia laburtu du.

Idazkariak espedientearen xehetasunak azaldu ditu: Behin Nafarroako Gobernuak 2017-2018ko inbertsio lokalen planaren barruan "Ultzamako adarrari" dagokion banda zabalaren kanalizazio proiektua sartzea onartuta, NASERTIC enpresa publikoa Ultzamako Udalarekin (eta beste interesdun batzuekin) kontaktuan jarri zen eta bere kolaborazio zerbitzuak eskaini zituen Udalaren izenean lan hauen kudeaketaz arduratzeko. Honen arabera, Ultzamako udaletik lankidetzaren erregimena eskatu zitzaien Nafarroako Gobernuari, eta honen onarpenaren baieztatzearen zai gaude, nahiz eta aipaturiko erregimena onartu dela jakin izan dugu estraofizialki. Gauzak horrela, planteamentua da enpresa hau izatea proiektuaren kontratazioaz, obrak egiteko kontratazioaz eta azpiegitura hau abiarazteaz arduratuko dena, azkenean Udalaren jardueran diruz ez lagundutako kostuetan eragiteko. Horregatik eta jada proiektu teknikoa izanik prozedura Udalak hau onartzea da, eta halaber obraren plan ekonomikoa, horrela Nafarroako Gobernuari espedientearen hauen tramitazioaren araudia bete dela jakinarazteko.

Jarraian gaia komentatu da guztien artean eta hainbat kontu argitu dira, trazadura bidea, ea udal eraikinetara iritsiko den, Elordi industriagunera, hiruguneetara eta abar.

Aho batez onetsi da.

**5.- Honako proiektu honen obren Finantza Plana onestea: "2017-2019 aldirako Toki Inbertsioen Plana. Ultzamako adarraren loturarako kanalizazio proiektua", "Belaunaldi berriko banda zabalera sarbide sareak hedatzeko azpiegitura pasiboaren arloko inbertsioen programan" sarturik dagoena.**

Alkateak gaia azaldu du eta espedientearen agertzen diren dokumentuen edukia laburtu du.

Aho batez onetsi da.

**6.- Elordi industrialdean dagoen eta katastroko 188-12 lurzatiari dagozkion 258,00 m<sup>2</sup>ko soberako lurzati, Ultzamako Udalaren jabegokoa, besterentzeko espedientearen onestea, IGNACIO ESQUISABEL HERNANDEZEN alde, harekin muga egiten duen lurrari eransteko (Talleres Elordi SL enpresako nabea).**

Alkateak gaia azaldu du eta espedientearen agertzen diren dokumentuen edukia laburtu du.

Aho batez onetsi da.

LEHENA.- Zuzeneko besterentzea onartzea eta hurrengo prezioa izango duela zehaztea: HAMAICA MILA ZORTZIREHUN ETA HIRUROGEITA BOST euro eta BERROGEITA BI zentimo, (11.865,42€).

**7.- Behin betiko onestea jabego publikoko ondasunak desafektatzeari buruzko espedientea: izozteko hiru motor, Udaleko Biogas Plantako abeltzaintzako mindan oinarriturik gasa eta elektrizitatea produzitzeko zerbitzu publikoarekin loturikoak.**

Alkateak gaia azaldu du.

Idazkariak espedientearen xehetasunak azaldu ditu: GOSHUA enpresak Biogas Plantarako erabiltzen zen beraien industria-nabea hustutzea eskatu zion Udalari, eta horretarako kontuan izanik Plantako hiru motor lekualdatu behar zirela, hauen salmentaren aukera planteatu zen enkante publiko bidez diru pixka bat ateratzeko. Espediente hori tramitatzen ari da jada eta aipaturiko motorren balioespen bat eskatu da, baldintza agiri bat egin da, eta dagokion baliabide egokietan iragarri da enkantea (web orria, iragarki taula, interesa dute enpresen komunikazioetan). Hau guztiarekin, kontuan hartuta Biogas plantako zerbitzu publikoko ondare bihurtu direla, kontua da hauek saldu baino lehen legezko betebeharra dela Osoko Bilkurak hauen desafektazioa onartzea, espedientearen arrazoa hau izanik. Beste alde batetik aipatu du baita ere nabearen barruan transformatzailerik elektriko eta hainbat bero aparailu daudela, motoreak bezala leku honetatik atera behar direla eta hori dela eta, hauen erosketan ere jende interesatua egon litekeela behar bada.

Aho batez onetsi da.

**8.- NILSA eta Ultzanueta zerbitzuen Mankomunitatearekin sinatu beharreko hitzarmena onestea, Ultzamako udalerrian dauden Gerendiango Errota eta Iraizozko Elordi Industrialdea lotzeko saneamendu lanak egiteko.**

Alkateak gaia azaldu du. Egiteke dauden obra batzuei buruzkoa da eta denbora asko darama Udalak NILSAri lan hauek egiteko eskatzen. NILSA gaiarekin hasi da azkenean eta prozesu guztia hasi baino lehen haien artean sinatu beharko litzatekeen hitzarmen bat bidali dute, Ultzanueta Zerbitzu Mankomunitatea bajako saneamenduko organo eskudun bezala eta Ultzamako Udaletxea bera, lan hauei dagokienez azken honen ordainketaren bermatzaile bezala. Kontua da aipaturiko hitzarmenean ez dela esaten zenbaterainokoa izango den obren kostua eta oraindik informazio gehiago eman diezaguten zai gaude. Horregatik guztiagatik eta kontuan izanik ez dakigula ze betebeharretan sartu ahal gintezkeen, Gobernu Taldeak gai hau mahaiaren gainean uztea erabaki da datu ekonomiko gehiago ezagutu arte.

Gai honi dagokionez Agrupacion Ultzama Udal taldeko Perez Arregui zinegotziak adierazi du bere taldeak ere gai hau mahai gainean uztea proposatu behar zutela kontu hauek argitu arte.

**9.- Nafarroako Elikagaien Bankuari egin beharreko ekarpena.**

Alkateak gaia azaldu du.

Aho batez onetsi da.

LEHENA.- 1.200 euroko gastua onartzea "Nafarroako Elikagaien Bankuari egin beharreko ekarpena" kontzeptu bezala.

## **10.- Azaroaren 25 emakumeenganako indarkeriaren kontrako nazioarteko egunari buruzko adierazpen amankomun atxikimendua emateko.**

Alkateak gaia azaldu du.

Aho batez onetsi da.  
Adierazpena osorik akta osoan.

... era kolektibo batean, Toki Entitateak adierazten dugu,

GURE GAITZESPENA mota guztietako bortizkeria sexisten aurrean.

GURE KONPROMEZUA Administrazio Publiko bezala aktiboki lan egiten jarraitzeko zaugarritasun-egoerak sortzen dituzten desparekotasun egoeren aurka.

GURE EXIGENTZIA EBan emakume asilo eskatzaileen egoeraren ebazpena bete dadin.

GURE SOLIDARITATEA erasotutako edo hildako emakumeekin.

ETA GIZARTE GUZTIA GONBIDATZEN DUGU emakumeen aurkako biolentziaren gaitzespena eta konpromezua erakusten jarraitzera.

## **11.- Alkatetzaren informazioak.**

Alkatetzaren aldetik honako informazio hau eman da:

0-3 haur eskolaren egoera ekonomikoa. Bi Udal taldeak gai hau komentatu dute eta kezka adierazi dute gaiarekin.

## **12.- Exkufiboaren kontrola: Aintzat hartzea Alkatetzaren 2017ko 191. Ebazpenetik 215.era.**

Kontuan hartu dira goian aipaturiko Alkatetzaren ebazpenak.

## **13.- Eskaerak eta Galderak.**

Agrupacion Ultzama Udal taldeko Erviti zinegotziak zentro zibikoaren irekiera eta itxiera ordutegiez galdetu du, eta kexak iritsi direla esan du irekita egon behar zen ordutegi barruan itxita baitzegoen eta honi alkateak erantzun dio ordutegia jarduerak bukatu artekoa dela edo berandu bezala 21:00ak arte nahiz eta oraindik ez amaitu baina nolana ere gaiaren inguruan arreta jarriko duela ez baita honen inguruan iristen den lehena kexa.

2018ko aurrekontuetaz hitz egiteko egun bat adostu da, azaroak 20 astelehena 17:30ean. Agrupacion Ultzama Udal taldeko Erviti zinegotziari gogorarazteko posta bat bidaliko zaio.